



# Ofisa o Fuainumera Faamauina

## Tala o le Tamaoaiga

Kuata o Mati 2019

### Aotelega

23 Iulai 2019

#### Otootoga:

- Siitia le tamaoaiga i le 1.8%.
- Tamaoaiga fua i tau o oloa o le 2013 (real) -\$505.9 miliona
- Tamaoaiga fua i suiga o le tau o oloa i totonu o le kuata (nominal) - WST \$555.8 miliona.

#### Mataupu o i le ripoti:

Folamua & Aotelega 1

Faapaseneina o le suiga o le tamaoaiga 1-2

Suiga o le Tamaoaiga 2

Faapaseneina o le sao o Vaega Maoti i le 2

Tamaoaiga o Mati 2018 3-9

Iloiloga o le Tamaoaiga ma Atina'e mo le 10-14


Pepa Faaopoopo - Tamaoaiga i ona Vaega Maoti

I le mae'a ai o le kuata o Mati 2019, na maitauina ai e 1.8% na siitia ai le tamaoaiga o le atunuu. O le aofaiga o le tamaoaiga pe a fua i tau o oloa o le tausaga 2013 (real GDP) e \$505.9 miliona; o loo faamauina ai o le maualuga tulaga lima i le faatulagana o le tamaoaiga na ausia i le kuata o loo iloiloina talu mai le amataga o le fua-faatatau o le tamaoaiga. O le siitaga o le tamaoaiga i lona aotelega na afua ona o le tulaga lelei o le tamaoaiga maua mai i le Vaega o Auaunaga ma Oloa Gaosi (Secondary Sector) pe a fua i lona vaevaeina i vaega tetele o le tamaoaiga o loo fai sao i le atina'e o le atunuu. E 19.3 pasene na siitia ai le tamaoaiga o le Vaega o Oloa Gaosi; na siitia uma vaega e fa o loo aofia i lea vaega i le kuata o Mati 2019. Na maitauina le siitia o le tamaoaiga maua mai i le vaega o Galuega tetele (siitia i le 26.2%); o se siitaga tele lea talu mai le kuata o Tesema 2015 (siitia i le 27.2%).

#### Suiga o le Tamaoaiga:


E 1.8% na siitia ai le tamaoaiga i le kuata o Mati 2019 pe a fua ile kuata lava lea o le tausaga ua te'a; o le tamaoaiga fua i tau o oloa o le tausaga 2013 (real GDP) e \$505.9 miliona. Ua o gatusa lea faasiliga ma le siitaga e 6.0% i le tamaoaiga o le atunu'u faamauina i le kuata o Tesema 2018.

#### Kalafi 1: Tamaoaiga ma suiga, Mati 2015 - Mati 2019



O le kalafi I o loo faaalai ai le tamaoaiga pe a fua i le tausaga faavae (2013) e amata mai i le kuata o Mati 2015 seia oo mai ile kuata o loo iloiloina. E pei ona maitauina, o lo'o tulaga lima le maualuga o le tamaoaiga i le kuata o Mati 2019, ua ausia i totonu o le 4 tausaga ua mavae. O suiga lelei i le tamaoaiga i le kuata o loo iloiloina e afua mai i le alualu i luma o le tamaoaiga maua mai i le vaega o Galuega tetele e aofia ai le auala laupapa i Maliolio (Savaii), faaleleia o le gataifale o i Apia i le Elele Fou (Waterfront Project) faatasi ai ma isi atina'e faatino i le fausia o fale-tetele mo pisinisi faapea tagata lautele. O isi atina'e o loo faamauina ai le siitia o le tamaoaiga e aofia i vaega o Fefaatauaiga o oloa siatoa, o meaai, vai inu, sikareti aemaise nisi o oloa faufale. O lea siitaga o loo o gatusa ma le maualuga faamauina e 11.2% o tupe maua mai tupe o loo lafoina mai i aiga o loo aumau i atunuu mamao ma le 6.0% na siitia ai tupe maua mai turisi tafafao mai le atunuu. O tupe maua a le Malo mai lafoga i luga o lafoga eseese (VAGST) e tusa ma le 15.8% na siitia ai i le kuata o Mati 2019 pe a fua i le kuata lava lea o le tausaga ua mavae.

#### Kalafi 2: Faapaseneina o le sao o Vaega Maoti taitasi i le tamaoaiga, Kuata o Mati 2019



I le kalafi 2 o loo faapaseneina ai saofaga a vaega


maoti o le tamaoiga mo le kuata o loo iloiloina. O le vaega o Galuega Tetele o loo faamauina lona sao e 1.6%, Felauaiga e 0.8%, Faletalimalo ma Faleaiga i lo la sao e 0.6%, Isi Oloa Gaosi na siitia le 0.5%, vaega o gaosi meaai & vaiinu i lona sao e 0.4%, vaega o Auaunaga faa-Faletupe na siitia i le 0.4% faapea le Eletise & Suavai na siitia lo la sao i le 0.2%. O isi vaega maoti na faopopo lo latou sao le tamaoiga e aofia ai le Malo, Faigafaiva, Vaega o e umia fale faapea le Vaega o Fefaatauaiga na faamauina e 0.1% mai i vaega taitasi.

Peitai o vaega e aofia ai le vaega o Auaunaga Faapisinisi, Fesootaiga, Auaunaga Tutoatasi ma le Vaega o Faatoaga na faamauina ai le pau ai o lo latou tamaoiga maua i le -1.7, -0.8, -0.4 ma le -0.2 pasene i le gasologa mai ai o le kuata.

**Aotelega o le tamaoiga, fua i le tau o oloa i totonu o le kuata (Nominal):**

E \$555.8 miliona le aofaiga o le tamaoiga pe a fua i tau o oloa i totonu o le kuata o Mati 2019 i lona siitaga e 5.3% pe a fua i le kuata ua tuana'i. O vaega e pei ona iai Galuega Tetele, Vaega Gaosi o meaai & vaiinu, Faatoaga faapea Fefaatauaiga na siitia lo latou sao i le 29.2%, 23.0%, 16.5% ma le 2.7% i le kuata o loo iloiloina pe a fua i le kuata o Mati 2018.

**Kalafi 3: Pasene o Vaega Maoti, Kuata o Mati 2019**



Ua faamanino mai i le kalafi 3 pasene o le sao o vaega maoti o le tamaoiga mo le kuata o Mati 2019. O le vaega 3 (Auaunaga) o loo aveva pea ma vaega o loo tele lo latou sao i le tamaoiga e pei ona maitauina mai i kuata taitasi ua tuana'i. Na faamauina ai lo latou sao e tusa ma le 64.4%. Na faaitiitia le aofai o le tamaoiga maua i le 3.1% ona o vaega e pei o Fesootaiga, Auaunaga faapisinisi aemaise ai le vaega o Fefaatauaiga o loo pau lona tamaoiga maua i le kuata o loo iloiloina.

I le Vaega o Oloa gaosi eseese (Secondary sector), na maitauina ai le siitaga i lona aofaiga e 2.2% mai vaega taitasi o loo aofia i lea vaega (Vaega 2). E 10.4% le sao o le Vaega I


(Primary sector) i le tamaoiga, siitia i le 0.9% pe a fua i le kuata o le tausaga ua tuana'i. Na faaitiitia le sao o le Vaega a le Malo i le 0.01% faatusa i le tamaoiga maua i le kuata o Mati 2018.

**Iloiloga o le sefululua masina: (Mati 2018—Mati 2019)**

O le aofaiga o le tamaoiga mo le kuata Mati 2019 pe a fua i le suiga o tau o oloa i totonu o le kuata (current market prices) e \$2,184.5 miliona (pe \$2.21 piliona); ua siitia ai i le 3.7% mai le tausaga ua mavae. O le aofaiga o le tamaoiga pe a faasafua i tagata taitoatasi fua i le faitau aofai tagata i le kuata o loo iloiloina na faamauina ai le aofai e \$10,942; siitia i le 2.8% pe a faatusa i le kuata o Mati 2018.

O le aofaiga o le tamaoiga pe a fua i tau o oloa o le tausaga faavae 2013 e \$2,014.6 miliona; na siitia foi lona sao i le 1.6% mai le kuata lava lea o le tausaga ua mavae.

**Kalafi 4: Gasologa o le Tamaoiga, Mati 2014/15—2018/19**




I le iloiloina o le gasologa o le tamaoiga i le lima tausaga ua mavae seia oo mai i le kuata faamaea ia Mati 2019, na maitauina ai le siitia o le tamaoiga o le tausaga pe a fua iai i le faaitiitia e 1.3% na faamauina i le tausaga faamaea ia Mati 2018.

O le siitia ai o le tamaoiga na faavae mai lea i le faatuputupuilaia o le tulaga lelei faatino i nisi o vaega maoti e aofia ai le Vaega o Fefaatauaiga, Galuega Tetele, Fela'uaiga, Vaega o Faletalimalo ma Faleaiga, Vaega a le Malo faapea le Vaega o Gaosi meaai & vaiinu i lo latou faapaseneina e 2.1, 0.9, 0.2, 0.2, 0.2 ma le 0.1 pe a fua i lona aotelega i le kuata faamaea ia Mati 2019.

# Iloiloga o Vaega Maoti taitasi


VAEGA O FAATOAGA	Tamaoiga Mati 2018	Tamaoiga Tesema 2018	Tamaoiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoiga (fua i tau o oloa o iai) Tala Samoa (miliona)	40.1	44.2	46.7	5.7	16.5
Tamaoiga (fua ile tau o oloa 2013) Tala Samoa (miliona)	41.2	40.1	40.4	0.7	-2.0
Saofaga ile suiga o le tamaoiga (gasologa o le tamaoiga i pasene) - y-o-y	-0.6	-0.1	-0.2	<i>Kalafi 6: Suiga i Pasene o le Vaega o Faatoaga (fua ile tausaga e 2013), Mati 2015 - Mati 2019</i>	
Saofaga i le tuufaatasiga o le tamaoiga i pasene (nominal)	7.6	7.8	8.4		

I lona aotelega, o le tamaoiga faamauina a le vaega o faatoaga e \$40.4 miliona pe a fua i tau o oloa 2013 faatusa i le kuata o Mati 2019; ua faaititia lona sao i le 2.0% mai le tausaga ua tea. O le lona ono ai lea o kuata o faaititia pea le tamaoiga maua, ma o loo maitauina foi e lei siitia lava le tamaoiga i le vaega o Faatoaga talu mai le kuata o Setema 2017 pe a fua-faatusatusa agai i kuata ma tausaga ua mavae. O lea faaititiga o loo o gatasi lava ma le pau maualalo e tusa ma le 5.0% o le aofai o fua o faatoaga o loo faatauina i maketi o loo faatinoina ai sutesuega faalemasina a le ofisa. O le nei pau i fua o faatoaga e aofia ai talo (27.2%), taamu (37.6%) ma kapisu saina (53.8%) pe a fua i le kuata o Mati 2018. O le pau maualalo ai o nei oloa o loo aafia ai foi ma oloa tau faatoaga auina atu i fafo e pei ona faamauina ai le pa'u e 9.9%, ma o nei suiga na aafia ai le tamaoiga o le vaega na mafua mai ona o tulaga faaletonu sa iai le tau i totonu o le kuata o loo iloiloaina.



FAIGAFAIVA	Tamaoiga Mati 2018	Tamaoiga Tesema 2018	Tamaoiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoiga (fua i tau o oloa o iai) Tala Samoa (miliona)	10.1	11.7	11.2	-4.9	10.9
Tamaoiga (fua ile tau o oloa 2013)	8.2	8.8	8.6	-1.5	5.5
Saofaga ile suiga o le tamaoiga (gasologa o le tamaoiga i pasene) - y-o-y	-0.3	-0.4	0.1	<i>Kalafi 7: Suiga i Pasene o Faigafaiva (fua i le tausaga e 2013), Mati 2015—Mati 2019</i>	
Saofaga i le tuufaatasiga o le tamaoiga i pasene (nominal)	1.9	2.1	2.0		

E \$8.6 miliona le aofaiga o le tamaoiga na ausia e le Vaega o Faigafaiva pe a fua i le tau o oloa 2013, na siitia ai lona tulaga i le 5.5% pe a fua i le kuata lava lea o le tausaga ua tea. E valu kuata ua mavae na faaititia ai le tamaoiga o le vaega ma ua faamauina ai o le kuata muamua lena ua mafai ona siitia maualuga ai le tamaoiga pau mai i le kuata o Tesema 2016. Na faamauina e 7.9% na siitia ai le aofai o i'a auina atu i maketi i fafo, 7.7% na siitia ai le aofai o i'a i maketi i le atunuu i totonu o le kuata o loo iloiloaina. I le iloiloaina o le gasologa o le tamaoiga i pesene pe a fua i le saofaga i le tuufaatasiga faaletausaga e 0.1% na tulai mai ai le vaega, ma na siitia foi le tulaga faamauina mai le 2.0% i le kuata o Mati 2019 pe a fua i le 1.9% na iai o le kuata o Mati 2018 mo le saofaga i le tuufaatasiga faa-le-kuata.




## Iloiloga o Vaega Maoti taitasi

VAEGA O GAOSIA MEAAI MA VAI INU	Tamaoaiga Mati 2018	Tamaoaiga Tesema 2018	Tamaoaiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoaiga (fua i tau o oloa o iai) Tala Samoa (miliona)	19.6	20.6	24.2	17.1	23.0
Tamaoaiga (fua ile tau o oloa 2013) Tala Samoa (miliona)	19.5	20.0	21.7	8.2	10.9
Saofaga ile suiga o le tamaoaiga (gasologa o le tamaoaiga i pasene) - y-o-y	-0.3	0.2	0.4	<b>Kalafi 8: Tamaoaiga maua mai Oloa Gaosi o Meaai &amp; Vai Inu ma le suiga mai i kuata taitasi i pasene, Mati 2015 - Mati 2019</b>	
Saofaga i le tuufaatasiga o le tamaoaiga i pasene (nominal)	3.7	3.6	4.3		

Ua faamauina le siitia ai o le tamaoaiga maua o le vaega maoti leni i le 10.9%, ma o le lona lua ai lea o kuata o tulaga lelei i le maea ai o le faaititia o le tamaoaiga o le nei vaega talu mai le ono kuata ua mavae. E \$21.7 miliona le aofai atoa o le tamaoaiga maua a le vaega pe a fua i le kuata o Mati 2018, ma sa faamauina ai e 0.4% lona sao i le tuufaatasiga faaletausaga pe a iloiloina le gasologa o le tamaoaiga i lona faapaseneina.


Na siitia i le 23.0 pasene le tamaoaiga fua i suiga o le tau o oloa na iai i le kuata i lona aofai na faamauina e \$24.2 miliona.



VAEGA O ISI OLOA GAOSI	Tamaoaiga Mati 2018	Tamaoaiga Tesema 2018	Tamaoaiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoaiga (fua i tau o oloa o iai)	11.9	10.2	13.6	32.7	13.8
Tamaoaiga (fua ile tau o oloa 2013) Tala Samoa (miliona)	8.2	8.5	10.9	28.3	33.0
Saofaga ile suiga o le tamaoaiga (gasologa o le tamaoaiga i pasene) - y-o-y	-2.1	0.0	0.5	<b>Kalafi 9: Tamaoaiga maua mai le Vaega o isi Oloa Gaosi, Mati 2015 - Mati 2019</b>	
Saofaga i le tuufaatasiga o le tamaoaiga i pasene (nominal)	2.3	1.8	2.4		

A fua i le tau o oloa o le tausaga faavae 2013, o le tamaoaiga maua i le vaega o Isi Oloa Gaosi e \$10.9 miliona mo le kuata o loo iloiloina. Na siitia lea aofaiga i le 33.0% pe a fua i le aofaiga sa i ai i le kuata lava le nei o le tausaga ua mavae. O le lona lua ai lea o kuata o loo lelei pea le tulaga o le vaega talu mai le lima kuata tuanai o faaletonu ona o le aafiaga talu ona tapunia se tasi o kamupani tele i totonu o le atunuu.

A fua i le tau o oloa i totonu o le kuata, o le tamaoaiga maua na faamauina e \$13.6 miliona ma sa siitia foi lona tulaga i le 13.8% pe a fua i le kuata o Mati 2018.




# Iloiloga o Vaega Maoti taitasi

GALUEGA TETELE	Tamaoaiga Mati 2018	Tamaoaiga Tesema 2018	Tamaoaiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoaiga (fua i tau o oloa o iai) Tala Samoa (miliona)	31.1	38.2	40.1	5.0	29.2
Tamaoaiga (fua ile tau o oloa 2013) Tala Samoa (miliona)	30.6	35.6	38.6	8.3	26.2
Saofaga ile suiga o le tamaoaiga (gasologa o le tamaoaiga i pasene) - y-o-y	0.9	0.9	1.6		
Saofaga i le tuufaatasiga o le tamaoaiga i pasene (nominal)	5.9	6.7	7.2		

**Kalafi 10: Tamaoaiga maua mai le Vaega o Galuega Tetele ma le suiga mai i kuata taitasi i pasene, Mati 2015 - Mati 2019**

Ua siitia maua le tamaoaiga maua i le vaega o Galuega Tetele i le 26.2% i lona aofai sa faamauina e \$38.6 miliona pe a fua i le tau o oloa o le tausaga faavae 2013. O le vaega leni o loo tulaga lua lona sao i le aotelega o le tamaoaiga pe a fua i le kuata o Mati 2018. O le faatuputupaia ai o galuega tetele o loo faatino i totonu o le nei kuata o loo fesoasoani malosi i le tamaoaiga o le nei vaega. E faamaonia lea tulaga ona o loo faamauina pea o le siitia ai o le tele o galuega faagasolo e pei ona iai le tele o auala laupapa sima o loo faatinoina nei i nisi o nofoaga i Upolu faapea Savaii (Loto Samasoni bridge crossing, Maliolio bridge crossing etc.), le falepuipui o loo i Tanumalala faapea galuega tetele i le talafatai o Apia o le nei vaega na nisi galuega o loo fesoasoani malosi i le unaia o le tamaoaiga.




ELETISE MA SUAVAI	Tamaoaiga Mati 2018	Tamaoaiga Tesema 2018	Tamaoaiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoaiga (fua i tau o oloa o iai) Tala Samoa (miliona)	14.9	15.6	16.1	3.2	7.9
Tamaoaiga (fua ile tau o oloa 2013) Tala Samoa (miliona)	14.2	14.9	15.3	2.6	8.0
Saofaga ile suiga o le tamaoaiga (gasologa o le tamaoaiga i pasene) - y-o-y	0.1	0.1	0.2		
Saofaga i le tuufaatasiga o le tamaoaiga i pasene (nominal)	2.8	2.7	2.9		

**Kalafi 11: Tamaoaiga maua mai le Vaega o Eletise & Suavai Mati 2015 - Mati 2018**

E \$15.3 miliona le aofai o le tamaoaiga o le Vaega o Eletise ma Suavai pe a fua i le tau o oloa o le tausaga faavae 2013, ua siitia i le 8.0% pe a fua i le kuata o Mati o le tausaga ua mavae. O lea faasiliga na maituina ai le 0.2% o le sao o le vaega i le tuufaatasiga faa-le-kuata o loo iloiloaina nei.

O le siitia maua ai o le eletise maua i le 17.2% na faigata ai ona tuuaititia e le pau e 0.6% sa iai le suavai maua mo le kuata leni o Mati 2019 ma o se tulaga lelei tele lea mo le vaega.




# Iloiloga o Vaega Maoti taitasi

FEFAATAUAIGA	Tamaoaiga Mati 2018	Tamaoaiga Tesema 2018	Tamaoaiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoaiga (fua i tau o oloa o iai) Tala Samoa (miliona)	176.0	185.5	180.9	-2.5	2.7
Tamaoaiga (fua ile tau o oloa 2013) Tala Samoa (miliona)	164.9	168.2	165.2	-1.8	0.2
Saofaga ile suiga o le tamaoaiga (gasologa o le tamaoaiga i pasene) - y-o-y	1.0	3.6	0.1		
Saofaga i le tuufaatasiga o le tamaoaiga i pasene (nominal)	33.4	32.6	32.5		

**Kalafi 12: Tamaoaiga maua mai i Fefaatauaiga ma le suiga mai i kuata taitasi i pasene, Mati 2015 - Mati 2019**

O le vaega o Fefaatauaiga o loo numera tasi lona aotelega i le tamaoaiga maua mo le kuata o loo iloiloaina, ma sa mafai ona faamauina ai le 32.5% o lona sao i le tuufaatasiga faa-le-kuata. E \$165.2 miliona na faamauina ai le tamaoaiga o le vaega pe a fua i tau o oloa o le tausaga faavae 2013, ma ua maitauina ai o le tolu ai lea o kuata o mauiluga pea le tulaga siitia o le vaega le nei pe a fua i tausaga ua mavae. E pei ona faamanino mai i le kalafi, o le kuata o Setema 2018 sa mafai ona faamauina lona tulaga mauiluga i le faagasologa mai o isi kuata ua tuana'i. O le tulaga maoae na oo iai le vaega na afua lea ona o le faatuputupuia pea lea o tupe maua mai i fefaatauaiga o oloa e pei ona iai oloa siitao, oloa tau sikareti, oloa o meaai & vaiinu ma nisi lava oloa mo manaoga masani e pei ona iai oloa o mea-fale, oloa tau taavale, lavalava ma le faatauaina o masini. Na fesoasoani malosi le siitaga o tupe maua mai tupe lafoina mai fafo, o tupe maua mai turisi asiasi mai le atunuu i le 11.15% ma le 6.0% i le atina'eina o tamaoaiga o lea vaega maoti.




FALETALIMALO MA FALEAIGA	Tamaoaiga Mati 2018	Tamaoaiga Tesema 2018	Tamaoaiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoaiga (fua i tau o oloa o iai) Tala Samoa (miliona)	8.1	13.5	11.6	-13.8	43.9
Tamaoaiga (fua ile tau o oloa 2013) Tala Samoa (miliona)	7.3	12.3	10.5	-15.0	43.6
Saofaga ile suiga o le tamaoaiga (gasologa o le tamaoaiga i pasene) - y-o-y	-0.2	0.4	0.6		
Saofaga i le tuufaatasiga o le tamaoaiga i pasene (nominal)	1.5	2.4	2.1		

**Kalafi 13: Tamaoaiga maua mai i Faletalimalo & Faleaiga ma le suiga mai i kuata taitasi i pasene, Mati 2015 - Mati 2019**

E \$10.5 miliona le aofaiga o le tamaoaiga maua mai i le nei vaega maoti, na faamauina le siitaga e 43.6% mai ia Mati 2018. O se tasi nei o vaega maoti sa tulaga lelei lona sao i le atinaeina o le tamaoaiga o le atunuu e pei ona faamauina ai le 0.6% o le saofaga i le tuufaatasiga faaletausaga i le piriota o loo iloiloaina.

O le tulaga lelei na maitauina mai i lea vaega sa afua mai i le siitia o le fuainumera o tagata asiasi mai mo tafaoga ma malologa, aemaise ai tagata faipisinisi ma tagata faigaluega o loo asiasi mai mo fonotaga faipisinisi ma fonotaga faalegaluega e pei ona iai le 30.3% ma le 9.2% pe a fua i le kuata lenei o le tausaga ua mavae.



# Iloiloga o Vaega Maoti taitasi


FELAUAIIGA	Tamaoiga Mati 2018	Tamaoiga Tesema 2018	Tamaoiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoiga (fua i tau o oloa o iai) Tala Samoa (miliona)	16.8	23.2	20.7	-10.7	23.4
Tamaoiga (fua ile tau o oloa 2013) Tala Samoa (miliona)	15.6	21.6	19.3	-10.6	24.4
Saofaga ile suiga o le tamaoiga (gasologa o le tamaoiga i pasene) - y-o-y	-1.3	0.4	0.8		
Saofaga i le tuufaatasiga o le tamaoiga i pasene (nominal)	3.2	4.1	3.7		

**Kalafi 14: Tamaoiga maua mai le Vaega o Felauaiga ma le suiga mai i kuata taitasi i pasene, Mati 2015 - Mati 2019**

A fua i le tau o oloa sa iai i le tausaga faavae 2013, o le aofaiga o le tamaoiga mo le vaega ua faamauina mo le kuata o Mati 2019 e \$19.3 miliona. Na siitia lona tulaga i le 24.4% mai le tausaga ua mavae; ma o lona sao i le atina'e e 0.8 pasene.

O le tulaga lelei na iai le tamaoiga maua a le vaega maoti e afua mai lea ona o le siitia o le tupe maua mai le felauaiga o uta ma faamomoli faapea le felauaiga o oloa i fale teuolao.

Pe a fua i le kuata o Mati 2018, na faamauina ai le pau e 10.6% fua i le tau o oloa o le tausaga faavae mo le kuata le nei.




FESOOTAIIGA	Tamaoiga Mati 2018	Tamaoiga Tesema 2018	Tamaoiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoiga (fua i tau o oloa o iai) Tala Samoa (miliona)	32.9	42.5	28.3	-33.4	-13.8
Tamaoiga (fua ile tau o oloa 2013) Tala Samoa (miliona)	28.4	36.0	24.2	-32.7	-14.8
Saofaga ile suiga o le tamaoiga (gasologa o le tamaoiga i pasene) - y-o-y	-0.7	1.0	-0.8		
Saofaga i le tuufaatasiga o le tamaoiga i pasene (nominal)	6.2	7.5	5.1		

**Kalafi 15: Tamaoiga maua mai i Fesootaiga ma le suiga mai i kuata taitasi i pasene, Mati 2015 - Mati 2019**

I lona aotelega, e 14.8% ua faaitiitia ai le tamaoiga a le vaega maoti i lona aofai e \$24.2 miliona pe a fua i le kuata o Mati 2018. Na maitauina le pau i le 0.8% le sao o le vaega i lona tuufaatasiga faaletausaga, ae peitai na siitia lona sao mai le 6.2 ia Mati 2018 i le 5.1% mo le kuata o Mati 2019 pe a iloilo le tuufaatasiga faa-le-kuata i lona aotelega.

E \$28.3 miliona le aofai o le tamaoiga a Fesootaiga pe a fua i le suiga o tau o oloa i totonu o le kuata, ma sa maitauina ai foi le pau e 13.8% pe a fua i le kuata o le tausaga ua tuanai. O lea mafuaaga, e fesootai lelei lava ma le 0.9% na pau ai le fuainumera faamauina o tagata faigaluega i le vaega mo le piriota le nei.




# Iloiloga o Vaega Maoti taitasi

AUAUNAGA FAAPISINISI	Tamaoiga Mati 2018	Tamaoiga Tesema 2018	Tamaoiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoiga (fua i tau o oloa o iai) Tala Samoa (miliona)	25.8	22.3	18.3	-18.3	-29.1
Tamaoiga (fua ile tau o oloa 2013) Tala Samoa (miliona)	26.8	22.7	18.4	-19.1	-31.4
Saofaga ile suiga o le tamaoiga (gasologa o le tamaoiga i pasene) - y-o-y	0.7	0.0	-1.7		
Saofaga i le tuufaatasiga o le tamaoiga i pasene (nominal)	4.9	3.9	3.3		

**Kalafi 16: Tamaoiga maua mai le Vaega o Auaunaga Faapisinisi ma le suiga mai i kuata taitasi i pasene, Mati 2015 - Mati 2019**

I le faaiuga o le kuata, na faamauina ai le aofaiga o le tamaoiga maua mai auaunaga faapisinisi i le \$18.4 miliona. E 31.4% ua pau ai mai le tausaga ua mavae ma o le tolu ai lea o kuata o faamauina pea le pau ai o le nei vaega. E faamaonia lea tulaga ona o le faaitiitia o auaunaga a le vaega tumaoti ma vaega faapisinisi o loo faaogaina e le mamalu o le atunuu lautele.


E -1.7 pasene lona pau i le suiga o le tamaoiga ma lona sao e 3.3% na pau ai mo le kuata o Mati 2019 mai le 4.9% sa faamauina i le kuata o Mati 2018.



AUAUNAGA TAITOATASI & ISI	Tamaoiga Mati 2018	Tamaoiga Tesema 2018	Tamaoiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoiga (fua i tau o oloa o iai) Tala Samoa (miliona)	16.6	12.5	14.9	18.9	-10.5
Tamaoiga (fua ile tau o oloa 2013) Tala Samoa (miliona)	15.9	11.7	14.0	19.5	-12.2
Saofaga ile suiga o le tamaoiga (gasologa o le tamaoiga i pasene) - y-o-y	0.2	-0.7	-0.4		
Saofaga i le tuufaatasiga o le tamaoiga i pasene (nominal)	3.1	2.2	2.7		

**Kalafi 17: Tamaoiga maua mai le Vaega o Auaunaga a Tagata Taitoatasi ma Isi Auaunaga, Mati 2015 - Mati 2019**

O le vaega maoti o auaunaga taitoatasi ma isi na faamauina lona pau ai i le 12.2% fua i tau o oloa o le tausaga faavae 2013 pe a faatusa i le kuata o Mati 2018; ua faamanino mai ai foi o le lona tolu ai lea o kuata o tulaga faaletonu lava le tulai mai a le vaega pe a fua i isi kuata ua mavae. E \$14.0 miliona le aofai o le tamaoiga o le vaega na faamauina i le piriota nei, ma maitauina ai o le kuata le nei ua lona lua ai i kuata ua tuana'i lona pau mauualalo ai lava pe a iloilo le faagasologa mai o kuata e amata mai ia Mati 2014 pau mai ia Mati 2019. E -0.4 pasene lona pau i le sao o le tamaoiga pe a fua i le tuufaatasiga faale-tausaga i lona aotelega.






## Iloiloga o Vaega Maoti taitasi

VAEGA A LE MALO	Tamaoiga Mati 2018	Tamaoiga Tesema 2018	Tamaoiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoiga (fua kuata) Tala Samoa (\$'000)	43.6	46.0	45.9	-0.4	5.2
Tamaoiga (fua ile tausaga 2009) Tala Samoa (\$'000)	35.4	36.2	36.1	-0.3	2.0
Saofaga ile suiga o le tamaoiga (gasologa o le tamaoiga i pasene) - y-o-y	0.0	0.2	0.1		
Saofaga i le tuufaatasiga o le tamaoiga i pasene (nominal)	8.3	8.1	8.2		

**Kalafi 18: Tamaoiga maua mai le Vaega a le Malo ma le suiga mai i kuata taitasi i pasene, Mati 2015 - Mati 2019**

A fua i le gasologa faa-le-kuata, e 2.0% ua siitia ai le tamaoiga maua mai le Malo ia Mati 2018 mai ia Mati 2019. Na faamauina le aofai e \$36.1 miliona le tamaoiga maua mai le malo ma lona sao i le suiga o le tamaoiga e 0.1 pasene. I lona fuaina e tusa ai ma tau o oloa o le kuata, na faamauina ai le toe siitia ai foi lea o le tamaoiga i le 5.2% ma e ui i le siitia ai i le tulaga tau le tamaoiga sa iai, na faasee mai ai le vaega a le malo i lona tulaga fa mai i tulaga maua sa iai kuata ua mavae ma lona sao i le tuufaatasiga o le tamaoiga e 8.2%.

O le tulaga siisii pea i luga o le sao o le Malo i le tamaoiga o loo atagia ai le siitia pea o auunaga mo tagata lautele e ala i auunaga faapulega, faatautaia o tulafono ma isi tulaga uma o le malo faapea le faasoasoina lelei o le tamaoiga mo le soifuaga lautele o le atunuu.




AUAUNAGA FAA-FALETUPE	Tamaoiga Mati 2018	Tamaoiga Tesema 2018	Tamaoiga Mati 2019	Suiga i % fua i le kuata Tesema 2018	Suiga i % fua ile kuata Mati 2018
Tamaoiga (fua i tau o oloa o iai) Tala Samoa (miliona)	48.0	50.3	50.3	0.1	4.8
Tamaoiga (fua ile tau o oloa 2013) Tala Samoa (miliona)	49.8	50.4	51.5	2.3	3.5
Saofaga ile suiga o le tamaoiga (gasologa o le tamaoiga i pasene) - y-o-y	1.0	0.4	0.4		
Saofaga i le tuufaatasiga o le tamaoiga i pasene (nominal)	9.1	8.8	9.1		

**Kalafi 19: Tamaoiga maua mai ile Vaega o Auunaga Faa-faletupe ma le suiga mai i kuata taitasi i pasene, Mati 2015 - Mati 2019**

E \$51.5 miliona le aofai o le tamaoiga mo le vaega o auunaga faa-faletupe na mafai ona faamauina i le kuata o loo iloiloaina, siitia i le 3.5% pe a fua i le kuata o Mati 2018. O le luasefulu lua ai lea o kuata o maoae pea le siitia ai o le tulaga o le vaega pe a iloilo le faagasologa mai o kuata ua tuanai; ma na faamauina ai foi o le kuata muamua lenei ua maitauina ai le maua luga o le tamaoiga ua ausia e le vaega le nei talu mai le 22 tausaga tuanai.

O le agaigai pea i luga o le tulaga o le vaega na afua mai i le tele o le manaoga tau tupe e pei o teugatupe, lisi, inisiua ma isi auunaga ia Mati 2019. O le sao o le vaega i le aotelega o le tamaoiga pe a fua i le tuufaatasiga faaletausaga na siitia i le 0.4%



# FAAMATALAGA, SUIGA & ATINAE FOU I FAAMAUMAUGA O LE TAMAOAIGA

## FAAMATALAGA

O le tuufaatasia o faamaumauga tau i le tamaoaiga e feagai pea ma luitau, o le mafuaaga lea e alagatatau ai ona matuai lelei ma atoatoa faailoilo e faaogaina ma ia mautinoa ai e iai lava suiga ma iloiloa i faamaumauga aemaise lava i faamaumauga o kuata poo tausaga ua mavae pe afai ae maua nisi faamaumauga fou ma talafeagai ma taiala e tuufaatasia ai faamaumauga tau tamaoaiga.

O lenei ripoti faalekuata ua sefulu valu ai ripoti o faamaumauga tau i le tamaoaiga ua faamatuuina ma o loo faaogaina ai le tausaga faavae o le 2009 (GDP estimates at 2009 prices). E faaauu pea lenei lomiga ma e mafai foi ona maua i luga o le upega tafailagi a le Ofisa o Fuainumera Faamauina [www.sbs.gov.ws](http://www.sbs.gov.ws).

## SUIGA

E iai suiga ua faia i faamaumauga i le Vaega o Faletalimalo & Faleima le Vaega o Auaunaga a tagata taitoatasi ma Isig I le ripoti o Tesema 2017 ona o suiga i faamaumauga i aofai o tagata faigaluega faapea ma faamaumauga o i latou tafafao mai. O faamaumauga foi o Faigafaiva e leo numeru tumau (provisional) ona o loo talia pea le oo mai i totonu o faamaumauga mai le Ofisa O Faigafaiva. E mautinoa le ono suia foi o faamaumauga ua tuuina atu i le nei ripoti i le lumanai ona o suiga i fuainumera o loo tuuina mai faapea foi pe a maea le galuega o loo feagai nei ma le Ofisa, o le suia lea o le tausaga faavae mai le 2009 i le 2013.

## FUAINA O LE TAMAOAIGA

O faamaumauga i le tamaoaiga o se taiala aloaia ua faaogaina e Samoa e mataitu ai lona tamaoaiga. Ua faaogaina le taiala faavaomalo ole production approach po o le faaogaina o tupe faasili e maua mai i Oloa ma Auaunaga o loo faatinoina e Vaega Maoti taitasi o le tamaoaiga e fua ai suiga ma le aotelega o le tamaoaiga o le atunuu ina ua maea ona ave ese le tau o oloa mai si auaunaga na faaogaina. E mafai foi ona faapea o tupe mama poo polofiti o Vaega Maoti uma o le tamaoaiga.

**Vaevaeina o Vaega Maoti o le Tamaoaiga:** O pepa faapoopo ua tuuina atu ai faamaumauga a Vaega Maoti o le tamaoaiga ma o lona vaevaeina o loo mulimulitai i le taiala faavaomalo o le Vaevaeina o Vaega Maoti o le Tamaoaiga poo le ISIC Lomiga 3.1. E matuai taua le usitaia o le nei taiala ina ia mautinoa le sao o faamaumauga e patino i Vaega eseese ma ia lelei ma atoatoa ai faamaumauga e faamatuuina atu.

- Vaega Muamua (Faatoaga ma Faigafaiva)

- Vaega Lua poo le Vaega o Oloa Gaosi (Oloa Gaosi, Galuega Tetele, Eletise & Suavai)
- Vaega Tolu poo Vaega o Auaunaga (Fefaatauaiga o Oloa siatoa, Faleoloa laiti ma faletalimalo, felauaiga, falemeli ma fale faaputuloa, auaunaga faafaasalalauga ma fesootaiga, auaunaga faafaletupe ma inisiua, auaunaga totogi aso ma fefaatauaiga o fanua, galuega eseese, faasaienitisi, tomai faapitoa, auaunaga lautele, auaunaga faaleMalo, saogalemu, aooaga, soifua maloloina, faatufugaga o tomai eseese ma isi auaunaga.

## GALUEGA FUAFUAINA I LE LUMANAI

### Suiga o le tausaga faavae

Ua iai le faamoemoe o le a faia le suiga i faamaumauga tau le tamaoaiga i le isi ripoti o le tamaoaiga o loma nei ile faaiuga o Setema 2018. O le a tuufaatasia ai le tele o faamaumauga fou ua maua e pei o faamaumauga mai le suesuega o Tupe maua ma Tupe Faaalu a aiga 2013, Suesuega tau Faatoaga ma Lafumanu, Suesuega i Pisinisi ma nisi lava faamatalaga ma faamaumauga taua. O le a iai foi suiga i metotia ma taiala o le a faaogaina mo lenei polokalame o le toe suia o le tausaga faavae.



### Vaiga Taula'i:

**"Avea le Ofisa o Fuainumera Faamauina ma taitai i le tuufaatasia ma le tuuina atu o fuainumera faamauina sa'o ma le**

Vaega o Faamaumauga tau Tupe ma le Tamaoaiga  
Maota FMFMIII, Fogafale 2 Pusa Meli 1151  
Apia, Samoa

Telefoni: (685) 62006 / 29326  
Telesi: (685) 24675  
Imeli: [fsd@sbs.gov.ws](mailto:fsd@sbs.gov.ws)

Aliimuamua Malaefono Taua – T Faasalaina  
Faamau Fuainumera a le Malo / Ofisa Sili o Pulega